

上饒縣志卷十五

關津志

重本抑末貨殖攸稽人安土著日月恬熙高溪汎漲津渡
惟預山隈水涯間阻爲慮成梁除道利濟均資式瞻棟宇
輿誦相隨志關津

東關在縣東二里叢桂坊址存

西關在縣西三里闔閭門外泰定坊址存

南關一在縣南上塲三里嘉寧坊址存一在下塲二里開化
鄉水圯址俱沒

上饒縣志

關津
卷十五

橋渡附

平政橋郡南門外浮橋跨越信江用船三十六隻緝以巨鐵
索上鋪木板水漲弛列兩岸平復聯合以濟往來初建無
可考宋淳熙元年州守趙汝愚重建汪應辰有記 國朝
康熙壬寅知府蔡廷輔以舊橋高濶風急水駛改建石橋
易名廣安後圯於水仍用浮橋至庚戌復壞知府高夢說
復建徐旭齡有記壬戌橋圯用渡知府孫世昌重建熊一
瀟有記乾隆三十一年知府李鏞重建易名長清浮橋置
船三十六隻大鎖二條大小錨三十六口貢生紀耀昌注

煒汪寧遠職員雷錦文楊文錦監生張煥廩貢楊祖仁俱
各捐田一十二畝有奇貢生鄭功模龔雷春監生劉仁傑
生員周澍汪光徐標等監生鄭朝抗舒在泮鄭功楷周邦
植鄭功楫各捐田六七畝至二畝有奇共計田一頃三十
四畝五分零以贍修葺嘉慶十九年橋圯知縣賴勳倡捐
重修職員鄭飛鵬捐田六畝有奇

鍾靈橋在郡城南明天啓四年知府蔣如奇移橋址於東始
建砌石捲洞架木覆瓦命名曰鍾靈自爲記旋圯於水康熙
元年知府蔡廷輔復建易名廣安復圯於水三十二年

上饒縣志

關津
卷十五

二

知府崔鳴鶯倡議止成六墩三十八年知府張國楨重建
爲石墩十有六大木爲梁費銀五千兩有奇自爲記又觀
察佟國勳爲之記雍正十一年癸丑水衝梁浮石墩圯者
三之二知府程廷偉知縣陶士儻定議易木以石而難於
費邑紳士徐鋼王珪周宏基楊必芳張之晉周治王士禔
毛廷桂捐金各百呈請檄七邑共勦之議遂定於是盧琪
注元楹吳之淳全天爵鄭正官紀耀昌張羽伯諸人會同
前倡捐首士督造適程予告去知府陳世增繼修完工建
石洞十有四上鋪砌大石往來平坦自爲記乾隆九年七

月六日大水全圯今橋石淪河壩基址尙存

三倦橋在進賢鄉縣南十里廣豐之水北行淳熙元年郡守

趙汝愚創建浮橋見汪應辰記今改義渡

華溪橋在縣西十里跨諸溪宋紹興間郡守林公建章鑄爲

記

按圖志以溪岸多楮木名楮溪或曰眾流之所會也故

從今名明崇正間橋圯推官吳鑄重修自爲記 國朝

乾隆六十年水勢蕩瀾橋漸不支至嘉慶七年士民姜

文燦周長元等倡捐重建署郡守朱鉦爲記

上饒縣志

關津
卷十五

三

三里橋在郡東三里跨小澗正德戊辰知縣黃希英重修自

爲記

善濟橋在城南二里進賢鄉跨永豐溪舊制石址架木爲屋

五十四楹枕溪百餘丈宋嘉定間里人葉君澤捐建真西

山記人圯

靈溪橋在縣東二十里崇孝鄉舊設渡萬厯癸巳建橋吳淑

秀記後圯於水乾隆五年知縣汪文麟復修監生張煥董

治之九年七月初六大水橋圯仍爲渡十八年知縣李文

耀首倡貢生張坦監生徐堂吏員王秉信徐時敦董淦之

復建石墩梁以巨木覆以瓦屋四十六年知縣程肇豐重修監生李日炳捐銀一千兩

通濟橋在縣東五十里太平鄉跨沙溪小澗明知縣彭壽祺建自爲記 國朝康熙五十一年知縣黃中驥重建自爲記

龍津橋在縣北九十里石人鄉跨靈山水小溪路達鄭家坊北塘橋在上饒鄉大學士夏言墓道劉必達建 天津橋在郡城進賢鄉西關大街之北跨小溪

萬安橋在縣北石人殿下明宏治二年里人毛士珍等捐建

上饒縣志

關津卷十五

四

木橋後朽壞雍正三年郡城舖戶江南涇縣朱邦等易建石橋併修路百餘丈乾隆十四年被水冲塌涇縣朱柏林談世美胡世傳重修乾隆五十三年朱安展朱安松胡世傳朱大茂胡大有復加修葺有記勒碑

小澗橋在開化鄉又名楊家石橋乾隆年間周效銓等倡捐重修邑人丁復有記

溪口橋在縣東六十里跨碧母山小溪路通玉山雍正元年僧實霖募建

槩溪橋在縣北四十里靈山鄉跨靈山水小澗路達鄭家坊

箕路橋在開化鄉西南七里

上宜橋在縣南三十里乾元鄉跨黃沙嶺水小溪路通石溪

五馬橋在進賢鄉

高橋在縣南十里

峙溪橋在進賢鄉

大石橋在石橋鄉二十里

鎮坑石橋乾隆二十七年鄉賓劉顯明捐建

濟川橋在縣南十里來蘇鄉

土橋橋在縣東五十里六十八都沙溪乾隆戊寅年余紹裕

上饒縣志

關津

卷十五

五

捐建

龜墩橋在十都乾隆甲戌余紹裕重修

渡坎橋在縣東四十里後圯於水邑人鄭世懷捐資復修

金湯橋在縣南二十里六十一都塘底跨古良溪路達洋口

高而安等捐建知縣李文耀有記

長春橋在十四都大東塢乾隆乙未年監生在騰蛟兄弟捐

建

傅家橋在縣南宋信州教授傅南崗造

凹底義橋在饒北三十里州同徐從龍邑庠生徐錦蛟徐慶

靈蔡國珍倡首積聚置田十畝以爲永遠修橋渡之資
通江南

章宅橋在縣北三十五里成化元年章敬端捐建

章義橋在縣北三十三里章永盛聖修等倡置

章善橋在縣北三十六里

月橋在邑西二十里開化鄉爲閩浙往來通衢車馬輪蹄絡繹不絕前明成化間捲造石橋一洞長三丈有奇濶一丈四尺高二丈有餘年久水漲兩岸崩卸橋將傾圮道兀二年士人郭明榮等倡修工經一載始竣橋前舊有茶亭一

上饒縣志

關津

卷十五

六

所僧人四時煮茗以濟行人

鷄鳴橋在縣南嘉慶二十四年楊朝選等倡捐重建購山蓄

木以備修葺 又映虹橋亦是年楊朝選倡捐

蛇橋在四都明遠鄉康熙間郭紹富建嘉慶十八年其孫士

炤等重修

王元橋在買糶亭附貢鄭丕顯倡捐重修

西湖橋在縣東四十里婁村舖附貢鄭逸光建

圳坑橋在縣東吏員鄭顯瓏建

接渡橋在縣東五十里沙溪坊

石港橋在縣東三十五里大平鄉監生王奭鄉賓王瑾同建

觀瀾橋在縣北萬安橋上流乾隆己巳年江南涇縣談世美建

通濟橋在鄭坊司署後嘉慶三年廩生鄭文耀倡捐置田七畝零為架橋撐渡之費餘貲俟接管增置

城南渡即平政橋邊水或暴漲橋輒解舊用小舟以渡甚危

成化五年知府王翰置大舟二隻渡夫四人專守以渡人

便之

白鶴渡在縣西三里大河內路達鉛山

灘頭渡在縣南三里永豐溪內路達鉛山

龍潭渡在縣西十里西渡諸溪跨靈山水

上饒縣志 卷十五

關津

七

後洋渡在縣南十里

硤源渡在縣東七十里大河內路達廣豐

焦石渡在縣西三十里大河內原設有渡嗣經詹錫亮捐已

田十五畝又募捐十畝贍雇修船永為義渡路通石溪邑

歲貢丁復為記

峙港渡在縣南二十五里

香林渡在縣北二十里跨靈山小溪路達沙溪

黃石渡在縣東六十八都鄉賢里舊有銘云龍門之下五里

之淤溶溶河水利擅佃渙潭樹陰翳黃石成渠相形置濟

永承權輿

章義渡在縣北三十三里河東岸頭依古圳出水下溪勸二十餘丈係渡岸河西岸頭小溪出港上溪離五十餘丈係渡岸

龍潭義渡在縣西十里乾隆間監生楊朝選等倡建設義田若干畝

港口渡在縣南六十都舊設有渡道光元年貢生潘世份職員李廷用庠生潘鴻鏞民人陳顯明陳奇興翁志榮等共捐已田十畝零外募捐資金共買田九畝七分零以贍修

上饒縣志

關津 卷十五

八

船雇工飲賓李國榮捐建渡岸涼亭一座撐渡住屋兩間

民人呂文

成捐亭基並撐渡住屋基承為義渡士民潘兆元李達材陳懷鰲周廷瑞潘宗濂李克渠倡首

盤石渡在縣南十五里道光二年首士高為鈺周廷瑞陳懷鰲劉世芬李天貴洪維嵩高為鏌宋繩祖龔日旺黃廷佐劉文輝等倡勸捐田租共七十四石捐緣資金買田租三十石以贍修船渡夫永為義渡

沙溪義渡在縣東五十里沙溪下街接濟橋東嘉慶三年立置有田租四十餘石糧坐六十八都四畝十一甲沙溪義渡戶永贍渡費

附論

竊惟信州首邑地非險要固未有重關之設以詰奸而禦暴也道雖通乎八省又非舟車之所聚百貨之所交足置關權之司以裕課而通商也其所謂關者不過城坊表通道之門山石峙分疆之路土人目之爲關云耳抑且地處偏隅川流淺狹其所謂津者初非人物都會之區爲商賈之通津也更非輪蹄絡繹之所爲賓旅之要津也惟是石杠木杓之兼施人不嗟乎病涉野渡橫舟之常設客奚悵乎無梁城市之設於官者旣共安利

上饒縣志

關津 附論

九

卷十五

濟於方舟鄉村之置於民者更無致躡流而厲搗斯出其塗之行旅固非有難越之關山又奚有或述之津渡哉